

2  
NOBILI G<sup>E</sup>.

NEROSO, ET MAGNIFICO COMITI, DOMINO

Antonio Fugger, Dñio in Kirchberg, & Weisenborn, Domino suo clementi.

Petrus Auianus ex ualle Ioachimica.

S. D. P.



VM Studiorum meorum absoluen-  
dorum causa, Generose ac præcla-  
re Domine Antoni Fugger, Domi-  
ne clemens mihi, iter uersus Italiam  
institueram, ex multis intellexi, &  
in primis à Domino Petro Kirch-  
luglero uiro præstanti eruditione & uirtute prædito,  
in Oeniponto, mihi narratum fuit, Generositatem tuā,  
literarū utilium peritum, & patronum esse, & domi-  
nū, nō exiguis aut popularibus uirtutibus exornatum.

Cū itaq; literis, ad nobile Dominū, Georgiū Hermā  
nū, uirū præstantissimū & prudentissimū, summa ob-  
seruantia colendū, diuina quadā sorte peruenērā, re ip-  
sa atque ueritate uirtutes, antea undiq; constanti  
& cōmunifama celebratas (quæ quidem ut dici solet,  
nūquā aut raro de nihilo esse solet) in tuæ Generositatis  
pectore sitas esse animaduerti, & expertus sum.

Quis enim est, cui non perspicua sunt illa, quæ ab  
Anaxagora doctissimò recitantur? Cum inquit. Tum  
maximè in animis uirtutes uersari, cum ad eas conser-

uandas operam damus, & ita omnes semper iudicant,  
acerrimam prudentiam, & uirtutum segetem augu-  
stumque & sacrum quasi fontem esse, in eorum menti-  
bus, qui posteritati, sua cura, auxilio, & ope, in confer-  
uandis & ornandis studijs, summopere cōtendunt, Ne-  
que sanē obscurum est nobis in quanta dignitate, hono-  
re, & gratia omnium mortalium, nunc sint ipsi, iam  
dudum etiā ex hac uita euocati, qui olīm de studijs be-  
nemeriti sunt, & tāta certē celebritate, ut illorum de-  
functorum uita, in sempiterna sit memoria uiuorum.

Itaque quia tua clementia, prudenter & praeclare,  
ex suis facultatibus, ad artes conseruandas haud dissi-  
mitem uirtutem exerit, quemadmodum quidē tota Ge-  
nerosa familia, & in primis Generosus Dominus, Ioan-  
nes Iacobus Fugger, prudentiæ & scientiarum prae-  
stantissimus commendatur, & tua clemētia, meis quo-  
que studijs, liberaliter commodat, non tantum ipsa sibi  
futurorum memoriam, & sempiternam testificationem  
posteritatis emerebitur & consequetur, uerum etiam  
praesentium omnium, praedicationem & gratam animi  
uoluntatem, sine controuersia, arctissimo uinculo, &  
adamantino clauo ut pyndarus inquit, cōiūgit etcōciliat.

Idcirco Generose, & Magnifice Domine Antoni  
Fugger, Domine mihi clemens, cū ipse non minimo me-  
rito à tua clementia sim affectus, anxie sollicitus fui, se  
non planē rationis, & uirtutum necessariorū inter ho-  
mines, ignarus & expers censerī uoluerim, quo nam  
modo, pro meritis tuæ clementiæ, dignas aliqua ex par-  
te, persoluerem grates.

Cogitabam igitur, me non inanē aut irritum laborē

consumpturū, si de Auri metalli uirtutibus, & efficiētia, in beneuolētiae testimonium commentarer, nec dubitabam quin in materiam auribus tuæ genorisitatis, dignam & gratam incidissem, ut tuæ clementiæ, quoniam ipsa uerum usum & optimum, auri intelligat & exerceat, naturalem quoque efficientiam, & proprietates in memoriam reuocarem & subijcerem, præsertim cum natura nostra ita formata & creata sit à deo, ut non facile uersandis, & tractandis rebus defatigari possit, nec uni, aut paucis tantum, perpetuo esse contenta, sed gaudere & recreari uarietate.

At roget quis hoc loco, quæ nam causa me ad huius rei tractationem impulisset, quoniam metallicis non usus fuisssem: huic responsum uelim, mihi nato in loco metallico, non deesse facultatem aliquam hoc præsertim tempore, qua susceptum negotium defenderem Hesiodum imitatus, qui expositurus nauigandi præcepta, ipse scæmel tantū in mare fuisset, ait: & hisce carminibus planissime testatur.

Nunc maris undisoni, quæ sit natura docebo.

Indoctusque rates regere, ignarusque carinæ.

Nam neque sum uectus, per salsas nauibus undas.

Ni quod in Eubœam iam pridem ex aulide ueni.

Sic tamen ætherei, possum Iouis edere mentem.

Obscuros me quippe modos docuere camœnæ.

Hæc igitur, Generose & præclare Comes, domine mihi clemens, quæ diligentia & studio affecutus sum, & cum ea ipsa, clarissimi & prestantissimi uiri, Domini Doctoris Bassiani Landi Placentini, celeberrimæ Academiæ Patavinæ excellentissimi, & doctissimi pro-

feſſoris & præceptoris mei obſeruandiſſimi auctoritate & iudicio, quod apud me, & ſingulos iudicâtes uerè, plurimum ualere debet, & ſolet. typographo tradere hortatus & iuſus ſim, Tuæ clementiæ nuncupata & conſecrata eſſe uolui, ſpero tuam Generoſitatem probataram & facile admiſſuram.

Et ad tuam Genorſitatem omnia mea ſtudia, operâ & diligentiam, me denique totum deſero, Et Deû oro, ut ita tuæ Generoſitatis mentem gubernet & regat, ne ipſa optimarum diſciplinarum & literarum conſeruationem & curam deponat, aut imminuat, ſed hoc potius, quod tuæ clementiæ totique Generoſæ familiæ perſuaſiſſimum eſt, ut ipſa ſecû conſtituat, hac re nullam rem aliam, neque Deo ipſi acceptiorem, neque humano generi magis ſalutarè, neque ad laudem et ſempiternam memoriâ oportuniorem eſſe poſſe. Bene & feliciter uale.

Data in urbe Pataſina. M. D. XLIX.  
xiii. Menſis Martij,



RAVISSIMUM & dulcissimum est Platonis dictum, cum ait: Illustrē famā de Deo in artibus sparsam esse. Testatur enim hęc sententia certitudinem artium, & uniuersam philosophiæ doctrinam, & donū Dei esse, & insigne prouidentię testimonium. Et si Deus hominum mentibus, nō indidisset lucem quādā (ē qua nūc exuscitata sunt artes uitę utiles, & quas Deus uult extare inter homines & cognosci) tamē facile ex tam mirifica, tantaque naturę operum & spectaculorum quasi uarietate, maxime intelligi posset, mūndum hunc æterna aliqua mente regi, & gubernari, ut sapienter Aristoteles in primo de partibus animalium inquit: Cum in omnibus partibus naturę sit admirandū quiddam, satis apparet mundum hunc casu non extitisse. Et philosophi ueteres, in humani corporis consideratione in hanc adducti fuerunt sentētiā, ut existimauerint, non temere nec casu, sed Dei prouidentia, extructum & edificatum esse mirandum corporis opus, ita & Galenus ipse inquit, Anatomię scientiam ducem nobis esse ad Dei cognitionem. Sic & Cicero disserit: Homines uident speciem & candorem cęli, & celeritatem tantam conuersionis, quantam cogitare nō possumus, tum uicissitudines dierum & noctium, commutationesq; temporum quadripartitas ad maturitatem frugum, & temperationem corporum aptas, eorumq; omnium moderatorem & ducem solem, lunamq; accretione & diminutione luminis quasi fastorum notantem. & significantem dies, uident deinde globum ē ma

ri eminentem, & multa & uaria hominum causa creata. Hæc igitur, & alia innumerabilia cum cernimus inquit, possumus ne dubitare? quin his præsit conditor aliquis, effector & moderator. Et siquidem multa sunt quæ confirmant prouidentiam; tamen nullum illustrius uel euidentius extat testimonium, Deum, uniuersum mundum, & omnes eius partes regere & administrare, quam operum naturæ ipsius intuitus, & eorū uirtutum, in naturæ partibus pulcherrimis consideratio. Cum enim plenissimas terras, infinitis ferè medicamentis salutaribus, & innumerabilibus rebus, ad uictum, & uitam necessarijs, à Deo creatis, cernimus, negare non possumus mente cōsilioq; diuino, omnia in hoc mūdo, ad salutem omnium, conseruationemq; admirabiliter administrari. Hæc cum ita sint, quid est, quam quod Cyclopicas Epicuri disputationes, qui sine consilio Dei naturam extitisse contendit, execremur.

*possumus* Nam quid tanta uoluptate intueri, & contemplari ~~possumus~~, quid uè diuinius & præclarius est, quid preciosius & præstantius in mundo, ipsis Dei operibus, & naturæ, cū uarijs corporibus, tum infinitis. Quare digna est bonis mentibus diligentia, obseruare naturæ proprietates & effectus, ut Deum agnoscamus, & hisce uirtutibus naturæ reuerenter utamur tanquam diuinis muneribus, quorum abusum uidimus horribiliter puniri, nec profectò tristes illæ pœnæ, ut in multorum exemplis patet, casu acciderunt. Et quia opificij ratio testatur, has res non solum magno cum consilio, & diligentia fabricatas, à mēte illa infinita, & ortas esse: uerū etiam singulas partes mirabili modo & proprie-



tate distributas, & ad certos fines destinatas esse, nulla certo pietate, nullisq; uirtutibus concitari eos necesse est, qui nihil uel temporis uel studij, ad naturæ arcana peruestiganda, conferunt. Cum præsertim mentis, seu intellectus hominis, præcipuum sit munus, has res utilissimas, & longe pulcherrimas inquirere, & contemplari. Rex Alexander in fastigio rerum humanarum positus, & ad gubernaculum uitæ sedens, præterquam quod legibus, historijs, & alijs studuit rebus, quæ ad regem pertinebant: tanta mirifica uoluptate: ad omnium animalium generationem, partes, ingenia, uires atque actiones penitus cognoscendas intentus & delectatus fuit, (quibus quidem ad cognoscendum nihil esse potest uel iucundius, nihil grauius, uel conducibilius etiam.) ut octoginta talentorum, in eiusmodi obseruationem, nempe in coemendis beluis. & cõducendis his, qui singulas beluarum actiones diligenter obseruatas, & per spectas, ad Aristotelem referrēt, impēderit. & erogarit, de quorum uirtutibus ab Aristotele uolumina duo & uiginti, quæ adhuc, ingenti uerborum copia, & ornatu extant conscripta. Cum ergo Alexander Rex præstantissimus, tantos fecerit sumptus, omnes curas et cogitationes, in perquirendis naturalibus consumpserit ferè, atque contriuerit, & Deus sua bonitate tam præclarum thesaurum nobis in creaturis omnibus, large profuseq; donarit, pudeat nos, nihil studij aut operæ, cum propter nostram utilitatem, & usum omnia in uniuerso orbe terrarum cõdita sint, disperdere aut collocare. Principia enim rerum naturalium nõ penitus ut moralia, nobiscum nascuntur, sed necesse est, ut

## Chrysologia. Petri

arcana naturæ studio nostro quærantur & inuestigen-  
 tur, & esse in nobis habilitates quasdam, ueluti quosdā  
 igniculos. & seminaria quædā quas græci ἐν τῷ δυνάμει  
 τῆς φύσεως uocant, unde homines propendent ad rerum ob-  
 scurarum inuestigationem. Hominis enim intellectus,  
 ut Aristoteles lib. de anima dicit, est uelut tabella nuda,  
 quæ discendo demum res uarias, & optimas in natura  
 reconditas accipit, quia multæ nequaquam adhuc satis  
 explicatæ sunt, quæ perdifficiles et perobscuræ restāt,  
 & magis magisque artium euidentia, & hominum sapa-  
 citate, ingenijs & solertia, Dei uolūtate perspicuè cla-  
 rescunt. Quis ergo tam immanis, tam asper, & cru-  
 delis censetur, qui summi architecti, pulcherrima abso-  
 lutaq; opera, miraculis uarijs plena, & referta cogno-  
 scere, summoq; studio amplecti nō desideraret. Et la-  
 xati curis, cū spectare aliquid uelimus & uisere, mul-  
 tō id rectius & liberius totos nos in cōtemplandis re-  
 bus naturalibus perspitiendisq; ponamus, propterea  
 quod insatiabilis quædam cupiditas ueri uideudi, men-  
 tibus nostris insit, & si quis minime cōtemplatione eorū  
 delectatur, hic quoque prorsus ab hominis natura,  
 ut Cicero ait, longe degeuerat. Sed plerunq; na-  
 turæ miracula, quemadmodum, S. Augustinus de diui-  
 nis dixit, assiduitate & quotidiana consuetudine nobis  
 fiunt contemptibilia, ut ad ea contemplanda, celebra-  
 da, admirandaq; parum aut omnino nihil, animum eri-  
 gamus. Cuius enim architecti opus tantum fuit un-  
 quam repertum in mundo, in quo similis uis naturæ sa-  
 pientia, tantaq; omnium bonitas et uoluptas reluxisset,  
 immo, nec umbra, nec uestigium ullum apparuisset, quā



ta certò uarietas, & firma & stabilis uirtutum omnium pulcherrimarum hominum generi utiliū, & iucundissimorum spectaculorum differentia quætidie eminet, atq; uidetur. Hæc cū in multis naturæ partibus facile ostendi queant & declarari satis dilucide possint, rectius tamen & commodius demonstrandum hoc mihi esse, si de Auri metalli Natura & Facultate, uerba facerem. Et existimabam honestis causis motus, me non incommode facturum, si de hac parte naturæ amplissima, & preclara breuiter differerem, & in memoriam reuocarem ea, quæ sapienter per doctorum literas ad nos peruenierant eaq; qualicunq; diligentia augerem, & conseruarem: Elaborandum est enim, ut artes floreant & crescant quottidie, ut deinde & à posteritate maiorem splendorem indies, lucemq; recipiant & crescant, magisq; uigeant, ne hominum interitu, res quoq; occidant desertæ atque relictæ à nobis. Idcirco, etsi parum me præstaturum esse iudicaram, tamen operam illam dare uolui, ut doctioribus occasionem et materiam, fusius prolixiusq; scribendi & cogitandi subijcerem.

Hanc enim materiam ad me in uallibus Ibachimicis, loco metallico natam, pertinere arbitrabar, ut tētare quid in hac phisices parte possem. Video quidem hanc materiam, de Auri natura, latiore & difficiliore esse, quàm ut mea etiam tenzi & paupere oratione, & exigua peritia in eo, explicari satis possit, uolui potius ut prudenter Gratianus Imperator dixit: Eloqui non quantum debeam, sed quantum possim, & uideo quoq; cæteros, qui de corporibus metallicis scribere ingressi sunt, & hoc & alio tempore, nō omnia, quæ ad iustam

## Chrysologia. Petri

Et integram cognitionem requiruntur, tradidisse, nec ex augusto, sacroq; fonte permanare. Et ego, cum maiore copiamscientiæ, grauitatem et ornatu, magnifice gloriari, aut promittere nequelim, necpossim, spero, cum præsertim honestus conatus suam etiam laudem mereatur, bonos, doctos, cãdidosq; uiros huic instituto fautores benigne futuros esse, copiamq; crescendi cõcedere. Cũ in primis eiusmodi argumentũ legẽtes per se delectare, et soleat et debeat. Hæc.n.pars physices nequaquã cõtēnēda, aut uilipēdēda est. Colleguerunt philosophi multa naturæ miracula i cœlo, multa arcana, et secreta in aere, et aĩantibus aĩaduersa, et in his multa dininitatis monstrant uestigia, quæ etiã longẽ extra humanæ rationis conspectũ, posita sunt, et in quibus philosophia tenebras suas fateri necesse. Sed profecto metallorum contemplatio, et auri precipuẽ natura, et facultas, hæc omnia philosophorum commēta uincit, atq; superat, nec illis naturæ cedit partibus, sed facile palam inter eas obtinet. Est enim huius metalli tanta salutaris, tamq; magnifica uis, et naturæ uirtus, ut nullius rei, uel dignitas, uel bonitas huic præclaro corpori metallico, et conferendi, noscendi et habendi proprius accederet. Proinde amant hoc et mirantur homines, utilitatis potius causa, quem tamẽ affectum repræhendere omnino non possumus, si non penitus fœda illa cupiditate, qua omnes capiuntur imperiti, et inexplebili habendi siti, dementati sunt. Est enim animi bene instituti, nõ tantum quæstum aut lucrum cogitare, sed rectius naturam ipsam, et facultatem intueri. Et quis non diceret, mentem et lucem oculorum his

ereptam esse, & densissimis tenebris, subitaq; quasi nocte, eorum sensus oppressos esse, qui utilitatis propriae causa, Aurum amplectuntur & intuentur, nec student opes illas, quas Deus ex terra hominibus suggerit, ad utiles salutare & necessarias res, uitae hominum, referre, & deriuare, in primisq; ipsi Deo patri coelesti gratos acceptosq; cultus exhibere, & declarare. Siquidem huc Auri usum popularem, Ciceronis de senectute sermo, uenuste depingit, ubi commemorat: quod Samnites, cum magnum auri pondus Curio attulissent, repudiati sint ab ipso, & respondisse eum inquit. Non praclarum sibi uideri, habere aurum. sed eis qui aurum haberent imperare. Significare enim uoluit, tum Aurum, ut donum Dei, in sordido questu esse capisse, & a uero fine degenerasse. Quamobrem iudicare uolumus, Aurum non hominum tantum opinione, & existimatione nobilius & praestantius esse metallum, sed sua uirtute, & mirabili naturae efficientia. Et quemadmodum stoici errant, affirmantes uitia & uirtutes opinione, non natura, differre, ita longe à re ipsa atq; ueritate dissentiunt, qui affirmant, opinione tantum metalla inter se differre & distare, nec alia generosiora esse alijs, naturae proprietate. & uirtutis naturae efficientia. Haec enim est hominum parum consideratorum mens atq; iudicium, nihil in his terrae muneribus aliud utilius aut praestantius, nisi solum questum spectantium, & iudicantium. Et quoniam omnes res in uniuerso orbe terrarum exstructae, & creatae praecipue à Deo sint, non ut usum praebent tantum quottidianum, sed uidelicet etiam ualitudinis curandae, certam rationem, & utilitatem sup=

## Chrysologia. Petri

peditarent. Studium & diligentia in his acquirēdis nō  
tuperari & daminari non potest. Sed tamē nōnihil sce-  
leris eſſet, non ſenſu irium illarum naturalium affici,  
& turpiſſimū eſſet, res quas quottidie circūferimus  
& in quibus adipiſcēdis gnaui et indiſtriij ſatis ſumus,  
nibili pendere & negligere. Non enim ſortē ita nec  
ubicunq; naſcitur, ſingulorum deinde metallorum mi-  
ra origo, mira ſympathia eſt & diſcordia, unde illuſtre  
teſtimonium ſumi poteſt, mundum caſu non exor-  
tum eſſe. Sunt & ſingulorum certæ leges, et certa  
cum alijs fœdera & cognationes, Vt enim Argen-  
to cum galena, ſiue plumbagine quam Plinius *αδύριον*  
& *δαίρυον* etiam uocat, naturalis eſt amicitia, & argen-  
tum cum galena, quæ eſt uena, tum ſolius plumbi, tum  
communis argēti & plumbi, quæ plerunque iuxta ar-  
genti uenas reperitur excoqui non poteſt: ita Aurum,  
argento uiuo purgatur, nec aurum ei in eo certamine  
naturali repugnat, uerum purgatur optime.

Sed ut deniq; redeamus unde digreſſi ſumus, res ne-  
ceſſarias & ad propoſitum maximē pertinentes non te-  
mere præterire oportet. Vt enim in actionibus huma-  
nis *ἀρετή* ſpectanda eſt, ita uel maximē in deſcriben-  
dis rebus naturalibus hæc obſeruanda ſunt, propterea,  
quod de ſententia Platonis: Ordo eſt rerū eſſentia, pro-  
inde quicquid boni in rebus reperitur, ut inquit Aristo-  
teles, ex ipſo ordine pendet. Vt enim animalia ſine uita  
conſtare non poſſunt, ſic nulla rerū cognitio, ſine ordi-  
ne recte tradi non poteſt, alioqui non eſſet cognitio, ſed  
potius quædam rerum confuſio, & perturbatio.

Quare quam fieri poteſt, propria, & *ὁσῶτα*, uſa

tato more & ordine rem ipsam prosequar, & à definitione ut præcipit plato, principium sumam.

**C**onstat igitur Aurū esse purissimū metallicū corpus citrinū, splendidū, fulgens, pōderosum, mutū, æqualiter à sua minerali, in terræ uētre perfectē diuq; lauatum & digestū, ex purissimo argēto uiuo, & sulphure rubeo non adurente mūdissimo, beneficio caloris cœlestis, occultā efficiētiā seu cōspiciendā, & mirabilē usum ingenerantis, quod extendi, fundi potest, & ad omnia examina consistere.

Hanc philosophorum descriptionem siue notionem, ideo recitavi, ut et breuius ordine definitiuo, & facilius totam Auri naturam per suas causas, tum internas, tum externas exponerem, siquidem ut Aristoteles primo physicorum, & aliās sæpissime docet: Nūc arbitramur nos, rem quamq; cognoscere, quum principia causas, et elementa propria cognoscamus. Propterea dabo operam, ut quam exactissime omnia genera causarū complectar, & ut id à me commodius fieri possit, à facilioribus, & notioribus quibusdam principijs, ducā initium, propterea quod nobiscum hæc progrediēdi uia nata est, notiora autem erunt ipsa accidētia siue qualitates, quæ sensibus ipsis sunt conspicuæ. Ex his enim fiet, ut causas aptas, & à natura quasi inuolutas facilius intelligamus, nam ut inquit Aristoteles. I. de Anima, Accidentia ipsa, magnam partem conferunt ad cognoscendum, quid sit res quæ cadit in contemplationem, itaq; me operæpretium facturum existimo, si, antequam de principijs Auri occultis edissero, à Colore Auri auspiciabor. Est enim accidens, & qualitas maxime conspi-

quasi centrum totius cœlestis sphaera, & uirtutem etiā maximam esse solis per terram ipsam, quoniam ut inquit, radij, in ipsa coeunt, & conspirant, ideo terra per ipsum multarum & mirabilium uirtutum & effectuum est productrix. Et aurum cū soli dedicatur & ex nobilissima purissimaq; ætheris parte generatum sit & effectum, tribuenda est huic præ alijs corporibus omnibus metallicis nō minima aut exigua uirtus & operatio. In perfectis enim ut Chrysippus apud Ciceronē inquit, maturis, & absolutis optimi sunt effectus & uirtutes. quia omne generatum imitatur suum effectorem. Et uidemus sole nihil purius, nihil nobilius aut lucidius existere. Ideo causam suam in his imitatur à qua omnino, & magna ex parte generatum est.

Declarari hoc uel facile potest, in cæteris metallis, male temperatis minusq; puris & subtilibus, quod unū ab altero, secundum luminum differentias distet, & discrepet. Vt enim Sol lumina cætera exsuperat, ita Aurum reliquis metallis, quod est subtilissimū & purissimum excellit. Quis præterea negat discrimen, luminum cerni posse, in humoribus corporum humanorum, ut Pontanus & Ptolomæus testantur. ita enim censent itaque differunt: Saturnum & Mercurium bilem gubernare atram, Martem ruffam, sanguinis uero humori temperatissimo & optimo, Iouem, Lunam & Venerem præesse. Sed conspirationes diuersorum syderum, inuehunt, innumerabiles differentias, quare illi magis fauent uitali calori, istæ mouent & suppeditant humorem. Sic enim Ptolomæus in sententia. 87. inquit ὁ ἥλιος ἐστὶ πηχὺ τῆς ζωτικῆς δυνάμεως, ὃ δὲ σε-



# Chrysiologia. Petri

ἡνικα τῆς φουσκῆς . hoc est, Sol est fons potentie uitae  
 seu cordis caloris. Luna uero potentie naturalis ue  
 getatiue. Nam humor aqueus seu flegmaticus, non  
 solum à luna originem ducit, sed etiam augetur, ut ex  
 fluxu & refluxu maris apparet. Humorem aqueū  
 corporibus Venus, qui radicalis est, instillat. Proinde  
 Aurum à Sole & Ioue, ut infra dicetur tanquam à præ  
 stantissimis luminibus gubernatur. Et consentaneum  
 quoq; nobis uideri debet, Aurum ab aurora nomen ha  
 bere, hoc est à Sole, quod colorem ipsius referat omni  
 no. Delirantium et auarorum est hoc somnium ina  
 ne, qui ab ὠρεῖω, id est, à custodia, trahere nomen con  
 tendunt. Color enim subrubeus est, fuluus, & splen  
 didus, perinde ut Sol, seu splendor ipse matutinus, in cæ  
 teris metallis ab similis est, nitet quidem splendide, poli  
 ta egregie, et à sordibus leuigata, propter aqueū illud  
 subtile, in eis terminatū & cōdensatū. At aurū cō  
 stantius rectiusq; fulget, et emittit splendore, cū aqueum  
 subtilius et purius à Sole, sit defecatū, & decoctū. In  
 ferro depurato conspicitur maximus fulgor, & con  
 spicua claraq; lux, ut uicinū cæteris, & æquum esse cē  
 setur. Sed cum sit corpus ex terrestri, adusta & fuligi  
 nosa materia, nec æqualiter digestum, minimum locum  
 obtinet. Et si sua claritate, ut in speculis, imagines re  
 cipit propter humiditatem indigestam & terrestrem  
 materiam adustam: tamen ille fulgor, citò contrahit ru  
 biginem, & enascitur facile in eo putredo. Aurum  
 uero omnino expers est huiusmodi uitij ut Aristoteles  
 in tertio meteorologicorum. Et cum adurentia, ut  
 sal, sulphur & similia projiciuntur in ferrum, rubigi

nem extrahunt, quia ipsum adurunt, & signum est, quod metallum sit impurum & crudum. Argentum contra ex his candet & albescit, multò minus Aurum, quia humiditas in auro subtilissime solis beneficio digestum & dispositum est, Terreum uero, mundatum, purgatum, equaliterq; commixtum, & congregatum. Ex his apparet Auri colorem oriri, solis forti decoctione ex humida & terrestri materia, qui color citrinus est, & constans, candens, & perfectus, & soli ipsi conformis.

Aes quidem citrinum est, sed differt longè, propter materiam impuram adultam, & inequaliter cum humido mixtam, declinat enim propter fuliginosam nigredinem, expurgatum longè ab auro & citò quoq; ut uasa area indicant, corrumpitur.

Atque hactenus de Auri colore & eius nomine: nunc proximum est ab his, ut ad causas internas aggrediar, de quibus me dicturum ab initio promittebam, ut exposita tota definitione uel descriptione potius uniuersa, Auri natura innotescat. Atq; in primis de materia dicendum est. Deinde de reliquis causarum generibus, quandoquidem materia sit quoddam uehiculum formæ, & omnes sui effectores, ictus, & mutationes, quæ quidem mutationes, non frustra, nec temere à natura instituuntur. Sed propter aliquem finem & usum.

**A**urum itaq; minimum terræ habet, namq; à purissimo & clarissimo argento uiuo & sulphure mundissimo, rubeo, non adurente in minerale produci-  
tur & formatur, in quo plurimi halitus redundant, qui  
& pinguisissimi & optimi sunt, neque in Auro ulla est

### Chrysologia. Petri

corruptio, neutra enim pars ipsius, est imperfecta, aut immoderata, sed undequaq; sibi similis & conformis.

Cum autem (Sicut cætera omnia, ex sulphure & argento uiuo, composita) sulphur suum lucidissimum & mundissimum, & per loturas fortes ad puritatem deductum sit, & uacuum ab omni cremabili unctuositate, & flegmatica humiditate euaporante, & extreme mundificatum, atq; in terræ concauitatibus per solis, & stellarum uirtutes attenuatum fortissimeq; conuictum & compactum, corruptioni igitur aut uitio obnoxium esse non potest. Et eodem modo propter hanc suam materiam, & subtilem substantiã sulphuris quod in argentum uiuum ingreditur & penetrat corpus solidum, pondus & color fulgens efficitur.

Tradunt philosophi sulphur ex terræ albedine provenire, quæ temperata decoctione inspissatur, quousq; etiam induretur, & sicca fiat, et in minerum uertatur.

Argentum uiuum uero, oriri aiunt, & componi ex terra alba subtilissima, sulphurea mixta fortiter aqua clara, & limpidissima, quam terra parit, & unita, quandiu humidum à sicco, & siccum ab humido æqualiter temperetur, donec in unã substantiam conuertatur, et unum ab altero separari amplius non possit temere, propter aquæ substantiæ, quæ est in argenteo uiuo congelationem, & siccitatem terrestrem optimam in sulphure existentem. Hæc longam in corporibus metallicis differentiam gignunt composita inuicem, respectu uidelicet Mercurij puri, uel impuri, & sulphuris mundi uel immundi, & secundum minus & maius. Mercurius. n. sua natura amat copulationem & coniugium sulphuris,

quamobrem si sulphur fuerit purum, rubeum, in quo est optima uis ignis non urentis, coagulat mercurium in Aurum putissimum & purissimum, ut Aristoteles in quarto metheoron affirmat, si sulphur autem fuerit album non urens congelat mercurium in argentum bonum. At immundum sulphur, foeditum, terreum, fixæ crassæq; substantiæ, Mercurius uero porosus, terrestris adurens, & immundus, gignit ferrum. Sulphur autem malum, & Mercurius substantiæ bonæ, conuertitur in Aes. Stannum uidetur bonum Mercurium habere, sed sulphur malum est, nec mixtum bene, ideo caret ipsum sufficienti cōgelatione. plumbum denique est, ex pessimo argēto uiuo, maliq; est saporis foetidi scilicet acutiq; & uirtutis debilis, Ideo assidue ignis uiolentia corrumpitur, & metallum ex nimio sulphure, adurente presertim malum reddit quoque & foetidum saporem. Aurum non foetet neque sapit malè, nam malitia acuti saporis in sulphure per aquam mineralem depurgata est, & abstrata, cōtinet enim in se lentorē, qui teperaturæ est tenuis, & integrè commixtæ, propterea minus exhalat minusq; odorem perfundit, unde ostēdi potest, quòd ei in igne nihil decedat. Argētū consumitur & aduritur, ideo magis odoriferum & halitosum est, propter sulphuris copiam, & inæqualem compositionem. Aes propter hanc causam magis absumitur, ingratumq; & foetentem gustum relinquit. Plumbum & stannum habetes habent saporē, & obtusos, propter aquositatem multam. Sed aes & ferrum inter omnia maxime uaporant, & pessime sapiunt. Nam ab his aquarum saporē uehementer infu-

## Chrysologia. Petri

tiuntur, & aqua egrediens de terra ubi aes latet, amara est & abominabilis, siquid uinum uel simile in uasi aeneo infusum, inficit sapore turpissimo concitante nauseam, & fastidium. Aquam puram propter suam naturalem frigiditatem, non corrumpit temere reprimi, enim ea euaporationem. Sub terra profunda, ubi calor inclusus est, alia est ratio, contaminatur enim stans adeo ut dannosa, & exitialis sit animalibus & hominibus eam bibentibus, ut in locis metallicis uidimus saepe.

Hæc dicta sint, ut intelligi possit ex sapore & odore discriminem esse, perfecte digestorum metallorum, & imperfecte constitutorum, quæ deinde ad facultates Auri demonstrandas, & uirtutes conducent adprimè.

Estq; præterea notandum, quod cum sulphur fuerit simplex & sincerum, magis gaudeat, & cohereat argento uiuo simplici, & mundo, & fortius inter se coniungantur, & coeant, perfectius præstantiusq; efficiant metallum, nec tamen imaginemur, omnis generis sulphur, fixum nempe & prorsus immundum congelari cum Mercurio, quia sulphur in Auro non uidemus iuxta Auicennam, neq; reperitur super terram, nisi quantum in duobus corporibus Sole & luna est, in sole perfectioris est digestionis, & est rubeum simplex. In luna album minoris decoctionis.

Flauities enim in auro significat, ut Aristoteles testatur completam & ueram digestionem. Calorem enim agentem in humidum nigredinem generare, in siccum uero, albedinem, ex albedine postea purissimam flauitiem causare inquit, & confirmat sententiam suam ex urinae dijudicatione, si urina alba est, defectum caloris monstrat na-

turalis. Flauus color uerò perfectum & absolutum.

Et paulo post dicit calor naturalis, cum domuerit materiam, aut humorem peruenit ipsa, ad coctionem, et maturitatem incoctas, crudas, crassas, manere & imperfectas ut in argento, ubi sulphur album imperfectè, digestum, nec nigredine, propter deficientem caloris actione, priuatum sit, maior est cruditas, & minor quoque uirtus, Calor enim omnium, tum actionū, tum uirtutum in natura est faber & organon, & ab eo omnia generantur rectè, aluntur, & conseruantur, dempto eo, uniuersa moriuntur, & intereunt.

Ex his ut arbitror, liquide constat, quæ sit auri materia. Porro materia est principium patiendi, & ideo à philosophis appellatur potentia. Forma uero est principium agendi proinde dicitur actus, quod ex ea. proficiscatur actio, sed actio & perpesio, actus & potentia sunt in genere relationis, Relatiuorū autem ea est natura, ut alteram perfectè cognosci non possit, nisi & reliquum cognoscatur. Ideo posteaquam de materia dictum est, sequens est, ut de altero principio dicamus, ut cognitio integra, absolutaq; ipsius Auri, cuius naturam inuestigare proposuimus, cōmodius comparari possit.

**I**Taq; etsi multa præclara in mundo, solis efficatia & uirtute generantur, quæ sine admiratione propter præstantiam eximiam, contemplari haud possunt, sed cum hæ res tam firmæ aut solidæ non sint, ut durare constāter possent, aut persistere in se, aut in sua forma, Auri tamen comparisonem tollerare & ferre non possunt,

Ita enim Plinius libro. 33. capite. 4. in



## Chrysologia. Petri

quit aurū in igne cōstāter, et firmiter durat, nec corruptioni obnoxiiū est, ut cetera metalla, quæ aut omnino euanescent, aut certē absumentur igni sapius adhibita, Auri uero inquit Plinius tanta fragilitas nō est, sed totū ignis examinatione ferti quidē, remanet firmiter propter æquale tēperamentū & materiæ nobilissimæ, & maturimæ cōmixturæ, Propterea aurū in se habet molli tudinē quādā, quæ nobis indicat perfectissimā formā.

Vt enim nos iudicamus, illos homines esse optimæ tēperaturæ, qui habent mollissimas carnes. Sic quoq; aurū eō esse ceteris metallis præstātius, quod sit mollius, quoniam mollitudo, ut arguit optimam temperaturam, ita rursus durities, significat intemperiem & malam materiæ miscellam, & quasi quandam cruditatem, cuius rei illud est argumentum, quod nos cōsentimus, aurū esse melius, quo mollius est, si igitur rerum temperatura est sua forma, quemadmodum sensit Galenus, & Alexander Aphrodisiensis in libello de mixtione. Et Aristoteles etiam, ex suis fundamētis idem sentire cogitur. certē Auri forma omnium metallorum erit nobilissima & præstantissima. Nam hæc necessario consequitur, mollitudo optima, optima tēperatura, & optima partiū ex quibus cōstat res, cōpositio & mixtura.

Quod uero metalla comburi & cremari possunt, sit propter unctuosum sulphur, & argenti uiui abundantiam. Cum enim metallum inæqualiter mixtum & constitutū est, non potest se ab igne defendere, & tueri, aut ab alia qualicunque iniuria, ut experientia docemur.

At Aurum propter iustam, & æqualem proportionem, in quo terreum humidum tenet, et humidū ter-

reum, non cremari potest, neque absumi, sed purgari,

Cum igitur Auri forma est perfecta & integra in aliam aut dissimilem formam metalli, aut speciem, non potest transformari. Reliqua enim propter formam imperfectam, ut omnes philosophi testantur, assumunt aliam, & ignis beneficio cocta Auri speciem, aut argenti induunt, aut eam quam uolueris, quia materia in eis corruptibiles et impediētes, exactis depurationibus, et digestionibus, absumuntur. Et deinde naturæ debilitas adiuuari potest, ut inducatur species peregrina & quasi noua. Quo quidem argumento potest confirmari id ipsum, quod paulo ante probabam. Nam si cætera metalla beneficio ignis possunt sese induere in meliorem formam, est certe credibile immo necessarium, Auri formam esse perfectissimam & absolutissimam, in quâ cætera metalla natura duce enituntur. Vt enim materia ipsa prima, est in assidua mutatione propter suam imperfectionem, quia naturali quodam desiderio appetit exornari & perfici meliori forma quàm habeat, sic cætera metalla, quia & ipsa sunt imperfecta, ideo formam præstantiorem expetunt, quæ quidem est ipsius, in quâ tanquam in ultimo fine acquiescunt & exactissime atque absolutissime perficiuntur.

Immo uero Auicenna. Albertus magnus, & alij artis priti, idem scribunt, & fatentur, nec dubium est metallum imperfecte coctum peruenire ad aliquam meliorem proportionem, & talem mixtionem, ut perfecta iam & uera nobis uideantur effecta, & nihil aut parum distare, neque tamē affirmamus uirtutes cœlestes artificiosis esse æquandas. Nam ars ipsa est naturæ

## Chrysologia. Petri

imitatrix & amula, immo ipsius est imago.

Solum igitur Aurum uerum, corruptioni neq; transmutationi subiectum est. Ita enim natura formauit, ut neque fingi, uitiari, aut moueri possit, denique neque secerni, aut contaminari, neque partium coagmentatarum ullus est interitus aut discessus.

His ergo rationibus confirmati, nisi plarè stupidi aut plumbei cēseri uolumus in physicis, in sequēti parte ubi dicturi sumus de Auri efficiētia, & causa finali, iudicibus non supplices esse uolumus, sed contumaciam liberam defendendi adhibere, aduersus eos qui cornicū oculos effodere superbiunt.

**C**um igitur de causis internis huc usque dictū sit, Ordo partiū propositæ descriptionis postulat, ut ad causas externas aggrediamur, nā nihil in se agit, neque à seipso patitur, ut Aristoteles in physicis docuit, sed ab aliqua ui externa moueri, est necessarium.

Ideo posteaquam qualis forma Auri educta sit ex potentia, & ueluti ē quodam eius gremio, exposuerimus.

Propterea causa efficiens, & educens formā à nobis etiam superesset inuestiganda. Verum quia satis liquet ex his, quæ de colore, superiori loco attulimus, propterea cōsultò illā nunc prætermittimus, quin potius ad finem & usum accedendum est.

Siquidem finis, ut inquit Aristoteles, omnes naturæ actiones & artis opera regat, & necessitatem quandam cæteris causis imponat. Materia enim non patitur mutationes qualis qualis sit, nec forma in ipsa fingitur, beneficio efficiētis, ob aliud quā ut finis utin-

gatur & usus pro rei natura præstetur. Itaque restat nobis adhuc ultima ac necessaria causa, quæ aperiatur, & ea orationis perspicuitate demonstretur, quæ ceteræ hæcenus demonstratæ sunt. Sic enim fiet, ut cognitio omnibus causarum generibus, uniuersa & integra Auri natura explicata sit. Nā ut principio nostræ methodi de Auri natura, & facultate proponebam, nunc nobis persuademus scire, cum principia propria, & qualitates suas planè scimus & intelligimus.

**Q**uamobrem ut unumquodque corpus, secundum suam constitutionem & crasim, munus atque officium tenet, & ratione materiei uirtutem & efficiētiam exerit, & ostendit. Aurum cum optimæ sit materiei, & decoctum ipso sole perfectè & integrè, & ita generatū à natura, ut omni uacet uitio, nihilque desit quod quidem omnium uirtutum proprium in naturalibus corporibus est, & præcipuum.

Consentaneum nobis uideri debet, Aurum non exiguan aut contemnendam continere uirtutem. Et hoc quidem nobis cum Plinio, ex quo non exiguan prædicationem & declarationem ipsius Auri percepinus, conuenire debet. Cum ita censeat itaque, discerat:

Natiuum Aurum uenena depræhendit. Discurrunt enim in calicibus aureis, arcus cœlestibus similes, stridorem igneum efficientes, Auri extrudentis quasi uenena. Nec certè leuibus causis & rationibus philosophi omnes commoti sunt, cur Auro supremū locum attribuerint, neque nos temere in assentiendo agere aut affirmare, sed omnium dictorum hic et aliàs sæpè sufficientes, & idoneas rationes adferre, conari uo-

lunus. LVculentæ enim, & satis dilucidæ uirtutes ipsius, cum in multis, tum uarijs ægritudinibus obseruata & conspecta fuerunt.

Proinde quoniã in eo sit completa digestio, pro uera, & salutari medicina, immo nobilissima existimandū est, propter cognationem seu *συμπάθειαν*, quæ est inter ipsum Aurum, & cor humanum, arcentur uenena ab ipso, neque illa ad cor admittit, & in omnibus extremis morbis suauiter ipsum recreat & reficit.

Hunc cibum enim saluberrimum & optimum aiunt omnes medici, & totius corporis sanguinem, & spiritus, multum augere, & suauissimè afficere, qui cū substantia illius aliquid habet similitudinis. Quoniam uero Aurum maxime simile est temperamento humani cordis, & omnino conuenit, sequitur insignem quoque refectionem cordi præbere & suppeditare.

Quod si res ita habet ut testantur nō ignobiles scriptores, certū est nullum metallum proximius accedere ad cordis temperaturam. Nam præterquàm quod, ut modo dixi, ipsum ab omni iniuria defendit, etiamnum eius calorem mutatum reficit. Reformatio autem, comode peragi non potest, nisi intercedat nutritio.

Nutritio porro ut Aristoteles scribit libro primo de Generatione & interitu, & Galenus in libro de Alimentis, nihil aliud est, quam quædam assimilatio.

Assimilantur autem, illa ipsa corpora, quæ cognitione temperaturæ inter se conspirant & coniunguntur.

Propterea Galenus testatur, turdos cicuta nutriri, quia inter eorum temperamentum, & alimentum est mirus quidam consensus & similitudo siue *συμ-*

πῦρ.

Rursus uero, idem Galenus, omnium bonarum rerum autor, sæpius fatetur uinum nigrum & rubeum facilius mutari in sanguinem, quam album, & quàm aquam. Id autem accidere propter similitudinem temperamenti, quæ cadit inter agens & ipsum patiens. Ob hæc unam causam philosophi omnes conscripserunt, corporum quæ habent συμπῶς communem, facile & reciprocam recipere, permutationem. Cæterum præter hanc συμπῶς, quæ longo usu depræhensa est, illud quoque, propria & natiua qualitate, commodi & utilitatis cordi affert, nam cor, propter spirituum maximam copiam calidum est, atque etiam feruidum, sua autem frigidityte Aurum recreat & temperat.

Ideo medici prudentes ac sapientes, in febribus pestilentibus opem ex Auro recipiunt; tum quia in hoc genere morbi, cor magnopere fatigatur & laborat, tum quia putredo, ut inquit Galenus libro primo de morborum differentiis & secundo putredo est causa ingentis caloris, quæ uitæ arcem inuadit & urget.

Quocirca Auri præsidio, & feruor et putredo arceatur, atque locus in quo sita est animalis salus defenditur.

Quid quod semina lepræ seu elephantie, quæ omnino curari non possunt, aut difficulter sanæ, usu Auri arcentur. Cum enim sit ualde temperatū inter genera metallorum, hanc scabiem, quæ pessimum est, & nocentissimum uenenū, contaminans omnes humores, consumit. Et in omnibus calidis quàm frigidis causis morborum, propter partes, quæ in Auro reperiuntur, ad quandam exactam temperaturam, à natura redactas tutissimū est & perfectissimum remediū.



Ob id neq; frustra aut temere Arabes principes medicine, in summo uitæ periculo & in acutis febribus, propter temperamentum æquale, Aurum cum margaritis contritum exhibuerūt, & simul in cordis tremore præ cæteris medicinis efficacissimum esse testantur.

Similiter in melancholicis ægritudinibus nihil unquam præciosius adhiberi potest. Segregat enim atrabilem ex uenis, & uincit illud uirus κακοῦ τῆκος, ut noui spiritus, & sanguis generari possit. Digerit enim spiritus uitæ, & digestum seu decoctum χρυσόν, sua natura educit, & segregat, ideo omnes malos humores et qualitates malignas naturæ cōtrarias, à corpore expellit & extrahit. Nam ut percepimus cum Aurum, nullam corruptionem patiatur, ab his quatuor qualitatibus, nisi artificiose, quemadmodum nemo uidit ipsum putrescere in aqua, nemo in igne comburi, nemo in eo eruginem animaduertit, nemo deniq; ab aere absorberi, propter excellentem constitutionem, nullum dubium est, id præclare operari, & agere in corporibus læsis & agris. Argentum tenens locum secundum post Aurum minimè digestum & decoctum, & quanquam habet occultam & abditam in sese uim, tamen cum in ipso qualitates elementorum à sole non sint uictæ, & superatæ, ut immaturum sit & ægrum, minus magnis morbis succurrere potest. Sicq; de cæteris metallis sentiendum est. Curant morbos prout magis differant in perfectione & maturitate, & tamen exteri, ut in emplastris adhiberi solēt, propter impuritatem sulphuris abundantis, fætidæ, & adurentis, & propter redundantes feces. Aurū uero unum

præcipuum est amuletum seu ut græci dicunt ἀλτήρ -  
 φάρμακον cordis, inter herbas, radices, lapides, mar-  
 garitasq;. Soli enim ut audiuius assimilatur, & Io-  
 ui adiudicatur, quare philosophi illud propter tēper-  
 tam naturam collaudant, soli quidē propter nitorē, Io-  
 ui propter temperiem, horum enim duorū luminū offi-  
 cium est, & proprietas, ut spiritus vitales tribuant infe-  
 rioribus partibus, quare non immerito affirmant philo-  
 sophi, nullam rem aptiorem ad uitam humanā cōseruā-  
 dā, à corruptione excogitari aut reperiri posse, quā  
 Aurū, quod interiora penetrat mēbra propter halitus,  
 ut sepe experientia docuit multos, ubi ipsum aurū sub-  
 tilissimē comminuisent, cū pulueribus cordiacis admi-  
 xtū præbuisse. In cæteris. n. metallis multo ignobi-  
 lioribus cernimus mirandā operationē & effectū. Sic  
 enim Auicēna de calibe ait: Aquā in qua cadens extin-  
 guitur calibs, fluxum uentris restringere & intesti-  
 na simul cōgregata connētere. Dicit. n. calibē, uirtu-  
 tē cōstringendi & colligandi quasi uiscera habere.  
 Sic in multis et uarijs, uidemus cæterorū quoq; uirtu-  
 tes uenustas. Plumbū. n. sepius fusum in aquā, in qua  
 lamina calibis, auri uel ferri, sunt extincta, indurefcit,  
 quia traxit aqua uim aliquā ex metallis calefactis, quā  
 deinde plumbū assumit. Cōtrā plumbū, si funditur in a-  
 quā, et cū in eadē, ferrū aut calibs extinguatur, manife-  
 stē mollescit in aqua, quæ à plūbo mollitiē extraxit. Si  
 itaq; in calibe experitur uis cōstringendi et in alijs a-  
 liæ uirtutes: quanto magis credēdum est, quod de auro  
 nuper diximus, in quo nulla est corrupta materia, nihil  
 est purius aut efficientius.

## Chrysologia. Petri

Quoniam ergo Aurū uere arcet uenenum, & humores à suis uitijs purgat, ut in lepræ seminibus, & ægris incurabili peste tinctis, docti & experiētes uir compererunt & in omnibus grauisimis morbis. Noi igitur sine causa alia catenarum usus, est inductus.

Et si enim alij propter fastum explicant & in petus disponunt, ut in conspectu positæ sint, alij propter dignitatem sese ornant. Tamen melior fuit ista causa, ut per earum usum, cum parti ipsi quæ *σπεύει* à Gale-  
no dicitur, cor quod situm suum in ea parte habet, spi-  
ritus reciperet, corroboraretur & augetur, & ad-  
uersa, seu peregrina incommoda, à corde depelleret et  
semoueret. Vt enim Magnes ferrum uiolenter, &  
Adamas propter *συμπύδεια*, seu naturalem conue-  
nientiam ad sese rapiunt, ita cor propter innatam co-  
gnationem & concordiam temperamenti, halitus Auri  
ad se recipit, ut inde recreetur. Est enim Aurum qua-  
si quoddam fomentum & remedium præstans uitæ no-  
stræ.

Hinc annulorum quoque consuetudo orta  
est, & ab Aegiptijs primum inuenta, ut historijs com-  
mendatum est, ne par honos, & reuerentia promiscuè  
singulis esset sine discrimine, præcipuè tamen ualetu-  
dinis ratione. Ideo usitatum fuit apud eos, & ad nos  
permanuit quoque, ut annulus aureus, digito sinistræ  
manus, qui minimo est proximus adiungeretur, & no-  
men à re sortitus est medicus seu medicinalis, eo quod  
mirus est consensus, & conspiratio inter hunc digitū,  
& cordis formam atq; substantiam, uel ut alij existi-  
marunt, propterea quod in eum à corde uena cōtinua-  
ta sit, quæ à Rasi saluatella, ab Auicenna Sceylen à

Haly salubris dicta est, & procedit ex Basilica, ita enim dixerunt quod ad sanitatem uena illa multum conferret. Quia & Galenus, ubi de curandi ratione, per sanguinis missionem capite. 14. & 16. differit, disputat illam esse secandam in melancholia, quod splen ubi sedem habet, euacuaretur.

Itaq; cum cor sit fons uenarum ut Aristoteli placet, & arteriarum, hæc uena dicitur cor reficere aliquantulum per spiritus clam traiectos.

Gellius in noctibus Atticis testatur Neruum quoq; à corde in illum digitum ubi salubris uena est sita, procedere, & illum esse cordis tanquam uicarium, ut importet cordi spiritus salutare.

Et cum natura sagax & prouida in multis uoluit cordi, tanquam regi arcis prouidere, non plane fabulosa uideri nobis debent. Nec propter manifestam causam Aegyptij medium digitum infanem non tantum dixerunt, sed certis rationibus naturalibus, quidem, adducti fuerunt Aurum aliquid, in formam annuli, digito medicinali admouere.

Quas ob res, ut Balsamum uerum, non solum suauitate odoris, sed & facultate *δεσφαινετική*, omnium herbarum succis longè præstat & uulnera ingentia, paruo temporis spatio sanat: Ita aurum non tantum suo colore fulgidissimo, & gratisimo superat cætera metalla, sed etiam facultate sanandi. Et ut in summa quadam, & generatim rem comprehendam, ita auget, corroborat, & recreat naturam hominis ut ad uitam reuocasse uideatur. Conseruat itaque sanitatē,

expellit ægrotudines. Et membris principalibus in primis inseruit, arcet à corde uenena, recreat arterias, dissoluit immunditiem pulmonis, consolidat uulnera, contētaq; in spiritalibus ipsumq; caput à catharro purgat & subleuat, denique & stomachum ipsum confortat & purgat, distrahit postremo mœrorem, & ad lætitiā concitat & commouet, purgata enim melācholia, qua hebetescunt spiritus suapte natura mobiles, homo mentis & animi tranquillitatem recipit.

Nihil ergo auro præciosius, nihil præclarius, aut amabilius excogitari potest.

Neque frustra Plato in Hipparcho est commotus, cur dixerit: Aurum non tantum cætera metalla superare, sed etiam duodecuplex fuisse in argenti comparatione, nec temere quesitum est de loco Pliniano lib. 33. cap. 3. Aureum numinum uicenis sestertijs ualuisse.

Atq; hætenus de Auro, quæ mihi in mētem uenerant, scriptis mandare uolui. Et quæ essent sua principia, causæ, & elementa, quibus usum & ornamenta addidimus, ut naturam imitati, bonos artifices sequeremur.

Nam non solum opifitium suum, adhibitis partibus necessarijs primum format atq; effingit, sed etiam deinde formatum exornat, simili quoque rationis modo, naturam Auri, non modo satis nobis fuit explicare, sed etiam quibusdam notis illustrare, & proprijs laudibus commendare placuit, ex quibus palam fieret omnibus mortalibus, quemadmodū omnibus metallis argentum præstantius est, & argento excellentius Aurum: ita uirtutem multo omni genere metallo-

rum præstare, & excellere.

Has autem nostras commentationes quales quales sunt, si tibi & uiris doctis probari sensero & intellexero, ad Argentū, & reliqua metalla præcipua illa quæ ad medicamenta pertinent, tradenda, & horum usum omnium, & qualitates evidentes & abditas, atque uniuersam naturam exponendam, quantum in me erit cōuertam, ne quid, quod ad rem metallicam spectat desiderari possit.

Ea enim à me sunt expectanda & exoptanda, quæ expectari, & exoptari debent & possunt, ab homine Germano.

Nam illam exactam & absolutam, & suis numeris plenam, nullaq; ex parte cessantem naturam, & cognitionem, reliquorum metallorum etiam (si dijs placet) auri inueniendam, & scriptis illustrandam, relinquemus nonnullis criticis, qui libenter sese constituunt iudices, & censores aliorum scriptorum, cum ipsi nihil hætenus scriptis commendarint, nec si commẽdare tentarent, ullo modo possent.

Nec id à me dictum existimes uelim, quod de sua laude detrahā ingenijs alienæ nationis, sunt enim uiri nonnulli & ingenio, & iuditio, & animi integritate, & morum probitate præstantissimi.

Sed hoc in eam sententiam rapi uolo, ut intelligant ubique terrarum esse & fœlicia & infœlicia ingenia, Ut enim superioribus annis in Germania aliquos cognoui esse parum diligentes. Sic quoq; his temporibus quibus datum est mihi uersari in alienis terris, id quod nunquam credidissem multos offendi, multi quidem no-



minis sed meo iudicio, & etiam doctorum uirorum stupidos, truncos, quos tu nescias an boues sint qui loquuntur an homines, & quò nihil potest esse grauius, & detestabilius, sibi persuaserunt rerum cognitionem tenere, cum nec res, nec uerba, nec ipsa elementa unquàm didicisse uideantur, in Germanos iactare nimirum Germanis adesse linguam, sed deesse pectus, hoc est philosophiam, quasi nobis miseris Deus optimus maximus, in omnes beneficis solis Germanis philosophandi rationem, & rerum naturas speculandi facultatē negauerit.

Horum quidem stultam ignorantiam & insaniam æquo animo ferrem, nisi quidam ineptuli, & insulsuli ex nostratibus, ut & ipsi uideantur esse in numero philosophorum, illorum insaniam confouerent, quo sit ut mirum non sit, si ab huiusmodi imperitis, tum medicis, tum philosophis seducti, in Germaniam longe imperitiores quàm uenerant antea, non ad medicinam faciendam, sed potius ad carnificinam sæpenumero tota patria dehonestata, & natione quasi per ipsos deformata redeant.

Itaq; in cæteris metallis tradendis philosophiam, an & nos, aliqua ex parte attigerimus, sumus ostensuri. Et ut isti trunci & stipites, quantum profecerint in philosophia, magnopere adhortor, aliquo scripto domostrent, & ne ueluti ignauifuci laboriosæ apiculæ melle uescantur, & in turpissimo otio, & in maledicendi quodam genere uersantes alienis laboribus fruuantur, sed de plumbo plumbei, & de lapide Molari ipsi Asini potius conscribant. Vale & tuo fauore contra, à male-